



12228

孝

詩

寒齋力辭聘召死於隱約子用舍以表其阡旌
其間爲未足也行其書焉嗣其學焉而又撫載
籍以來孝於父母者事爲亡詩詩具亡意各二
韻二十字積至三百首起遂古迄叔季兼取明
天理未嘗泯也自聖賢至夷狄異類竝錄見天
性未嘗異也事陳而意新辭約而義溥賢於煙
雲月露之作遠矣始寒齋之事寶章也視調膈
禡襲之節以康其體躬場圃井臼之勞以裕其
力人知寶章之勇於退而不知其退之有以自
樂也同合之事寒齋也亦然昔曾元養參已不
如參之養哲石奮諸子恬侯稍不逮建至孫而
孝謹遂衰今石塘之林奕世家法嗣守不墜有
古人所難能者惜其弟兄俱未脫白修於家浮
沈於閭里而已余常恨世儒率華過其實惟同
華實相副其操行蓋漢孝廉之盛舉也詞藝亦
唐進士之高選也頃良齋謝公嘗彙孝史五十
卷上之阜陵同此詩他日必與謝公之史竝行
淳祐庚戌白露節前史官劉克莊序

孝詩序

臨安府棚北大街睦親坊南陳解元宅書籍鋪刊行

孝詩序

二
讀畫齋正本

林同孝詩

堯

道之大原出于天堯以是道傳之舜堯舜之道孝悌而已矣

道原自天出堯以是相傳曰孝悌而已人人具此天

舜

大孝終身慕父母予於大舜見之矣

孩提知所愛妻子具而衰大孝終身慕予於舜見之

孝詩

讀畫齋正本

禹

禹傷先人之功不成勞身焦思八年於外啟呱呱而泣子弗子惟荒度

土功

傷心九載績焦思八年中啟亦呱呱泣惟思度土功

湯

葛伯不祀湯使亳衆往爲之耕 奉先孝思

奉先思孝也不祀豈其情以至使亳衆而甘爲

葛耕

文王

朝於王季日三雞初鳴至寢門外問安否何如日中至及暮又至亦如之

問安寢門外旦旦俟雞鳴以至日中昃居常盡此誠

武王

文王有疾不說冠帶而養文王再飯亦再飯疾閒曰女何夢夢帝與九齡

經言事父孝所以事天明疾閒加再飯夢中與九齡

周公

孝詩

二讀畫齋正本

我之弗辟我無以告我先王辟馬鄭音避謂避居東都東山周公東征

我避故云辟東行是謂征先王猶可告豈為伐而刑

孔子

子曰所求乎子以事父未能也

事親良不易戰戰復兢兢學得如夫子猶言上未能

顏子

謂子路曰去國則哭於墓而後行返共國不哭展墓而入

返必展墓入去當哭墓行誰知顏氏子事死乃如生

孟子

幼被慈母三遷之教長師孔子之孫子思

如何年稍長汲汲子思師知是為見日三遷感母慈

右聖人之孝十首

契

契為司徒教以人倫父子有親

孝詩

三讀畫齋正本

天性生雖具人倫教可無往哉親父子汝契作司徒

元凱

左傳季文子曰孝敬忠信為古德高陽高辛氏有才子謂之元元八凱

當知元與凱不出孝而忠能舉十六相斯為舜大功

孝已

武丁之子莊子云人莫不欲其子之孝孝已憂而曾參悲

子則欲其孝人皆有是心如何武丁聖却使子

憂深

微子

微子之命曰爾惟恪慎克孝微子去之子曰殷有三仁焉

豈計身封宋祗愁祀絕殷不惟稱克孝亦自首

三仁

泰伯

季歷有聖子知太王欲立之逃奔子貢曰太伯端委治吳仲雍斷髮文身

為憐季有子逆探父傳賢斷髮文身事誣哉司

馬遷

孝詩

四讀畫齋正本

康叔

元惡大憝矧惟不孝不友子弗祗服厥父事大傷厥考心乃其刑茲無赦

勿云服父事不敬亦無傷元惡與大憝邦刑自

有常

君陳

惟爾令德孝恭惟孝友于兄弟克施有政命汝尹茲東郊敬哉

為爾有令德存心孝且恭推之施有政往矣尹

茲東

伯奇

尹吉甫子履霜操云無衣兮兒寒無食兮兒飢兒罪兮當笞逐兒兮奚爲無食又無衣逐兒安所之不辭履霜苦猶謂罪當笞

晉文侯

平王錫文侯秬鬯圭瓚曰汝克昭乃顯祖追孝于前文人若汝子嘉

嘉汝故錫汝非將玉展親克昭乃顯祖追孝爾文人

衛武公

年九十猶日警于國曰必朝夕以交戒我 又孝子之身終

孝詩

五 讀書齋刻正本

孝子身終者非終父母身武公年九十戒我尚諄諄

齊孝公

伐魯展喜犒師曰豈其嗣世而棄命若先君何君必不然齊侯乃還

豈其伐與國獨不念先君想得還師去難堪此語聞

齊侯無野

晉人欲質其母對曰若以匹敵則亦晉君之母也又漢太公事

我母亦君母吾翁即若翁分羹何太忍請質可

堪從

申生

姬泣曰賊由太子人謂太子子辭姬必有罪曰君老矣吾又不樂乃縊死
姬泣賊由子子辭必罪姬為憂君不樂寧死莫君知

晉文公

寺人披伐蒲公曰君父之命不校校者吾讐也踰垣而走披斬其祛
伐蒲君父命校者是吾讎披直寺人耳鉏麇信有謀

孝詩

秦康公

晉文公甥渭陽詩云我見舅氏如母存焉又曰我送舅氏悠悠我思

懷哉送舅氏曰至渭之陽念母如存意悠悠寄二章

既醉君子

孝子不置永錫爾類其類維何室家之壺釐爾女士從以孫子

若為錫爾類不獨善其身既念化家室還思遺子孫

四牡使臣

有功見知則說矣四牡駢駢豈不懷歸王事靡盬不遑將父母

懷歸將父母四牡苦駢駢是我心中事君從何處知

南陔孝子

南陔孝子相戒以養也晉束皙補亡

為養還相戒南陔昔有詩都盧這箇意焉用補亡為

白華孝子

白華孝子之潔白也

孝詩

七 讀書齋正本

廉恥有微缺須知孝未純白華何所似所似皎然身

北山大夫

役使不均已勞於王事不得養其父母焉王事靡盬憂我父母

非止不得養如憂父母何忍能不我念使我獨賢勞

蓼莪孝子

民人勞苦不得終養哀哀父母生我劬勞欲報之德昊天罔極

莫遂終養志難酌罔極恩哀哀父母句腸斷不

堪聞

妹土小子

其藝黍稷奔走事厥考厥長肇牽車牛遠服賈用孝養厥父母

勤耕藝黍稷遠賈服車牛奔走何為者心乎孝養憂

老萊子

年已七十父母猶存著斑斕之衣為嬰兒戲於親前

七十已中壽人生似此希絕憐老萊子猶自作兒嬉

孝詩

柳下惠

三為魯士師曰何必去父母之邦

忍於父母國去此欲何之所以柳下季三為魯士師

子思

孔子喟然而歎請曰意子孫將忝祖乎伋每以不克負荷為大恐子忻然

如何方喟歎乃爾復忻然念汝祖無忝知子道可傳

閔子

子曰孝哉閔子騫人不聞於其父母昆弟之言又曾子母投杼事

參寧殺人者三至尚踰垣歎息子閔子孝哉無閒言

有子

其為人也孝弟而好作亂者未有也涼州易亂課人誦孝經蓋勳謂取怨

其為人也孝好亂未之聞曾以是取怨無人語蓋勳

曾子

有疾召門弟子曰啟子足啟子手而今而後吾知免夫小子

孝詩

九讀畫齋正本

全歸有明訓珍重恐傷膚小子啟手足吾今知免夫

子路

見孔子曰今由也累茵而坐列鼎而食願欲食藜藿為親負米不可得矣

食藜殊列鼎負米異重茵不待今朝養傷哉昔日貧

子游

問孝子曰今之孝者是謂能養至於犬馬皆能有養不敬何以別乎

犬馬何以別斯言似太深深言為養者可不敬

於心

子夏

既除喪而見孔子與之琴彈之而不成聲作而曰哀未忘也

為有心中事琴音自不和禮雖弗敢過哀若未忘何

子貢

曰賜也願息於事親 又曰大哉死乎君子息焉 又大塊息我以死

未須論大塊以死息乎人所願學賜也姑惟息事親

孝詩

林放

問禮之本子曰禮與其奢也寧儉喪與其易也寧戚

故寧戚以儉罔或易而奢致得千載下人稱問禮家

樊遲

問辨惑子曰一朝之忿忘其身以及其親非惑歟

當知一朝忿必不忍於人豈止身忘却還應及乃親

闕黨子弟

闕黨之子弟罔不分均有親者取多
孝悌以化之也

既漸夫子教罔有不分均何復閒多取齊言彼
有親

樂正子春

侍親疾復加一飯則脫然愈復損一
飯則脫然愈

向非親在念念每精專未必飯加損能令疾
脫然

公明宣

學於曾子曰宣見夫子之親在叱咤
不至犬馬宣說之學而未能也

孝詩

士讀畫齋正本

子於親在日叱咤不聞聲既日見而說應無學
未能

孔子黨人

孔子曰吾黨之直者子為父隱直在
其中矣

忍以證羊故而云我直躬那知為父隱直故在
其中

孟莊子

孟莊子之孝其不改父之臣與父之
政是難能也

無改父之道真堪以孝稱若論莊子孝此直是

難能

孟懿子

問孝子曰無違樊遲御子告曰生事之以禮死葬之以禮祭之以禮

不復問無違祇應懿子知尚愁人不省以禮告

樊遲

孟武伯

問孝子曰父母惟其疾之憂

父母之愛子心乎惟疾憂可能不自愛而忍使

親愁

孝詩

主讀書齋正本

管仲

曰吾嘗三戰三走鮑叔不以我為怯知我有老母也

戰敗不羞走誰為知我深叔知我有母亮我走

時心

晏子

曰使吾父之黨無不樂生者使吾母之黨無不足衣食者

母家令足食父族使安生睦黨可謂孝能之惟

晏嬰

晉君子

下從征役不得養其父母父母何怙
父母何嘗悠悠蒼天曷其有常

何怙復何嘗銜悲問彼蒼蒼不可問重使我

心傷

穎考叔

留羹感鄭莊公母子如初見左傳
茅焦諫始皇卽虛左迎母見史記

茅焦甘伏質考叔請留羹大隧如初樂咸陽虛

左迎

魏孝子

役於大國陟彼岵兮瞻望母兮 秋
仁傑登山望雲曰吾親舍其下

孝詩

三讀書齋正本

念母嗟陟岵思親徒望雲可憐魏孝子不比狄

參軍

衛七子

凱風美七子能盡孝道以慰母心小
弁小人之詩也何以言之曰怨

幾諫勞不怨明明載魯論未應小弁作得竝凱

風言

石祁子

石駘仲卒卜所以爲後者曰沐浴佩
玉則兆不沐浴佩玉石祁子兆

執親之喪者可沐浴其身不待石祁子兆知非佩

玉人

文氏子

既除喪而越人弔待廟垂涕洟子游曰其庶幾乎亡於禮者之禮也

服除有弔者待廟至垂洟亡於禮之禮斯人其

庶幾

公叔成

請父諡於君君曰夫子不亦貞惠文乎故謂夫子貞惠文子

若把夫子論無慙貞惠文不應其子成至自請

於君

孝詩

靈輒

翳桑餓者趙宣子食之捨其半云欲遺母宣子使盡之而別具食與其母

翳桑一餓者念念母之存賴有趙宣子能為別

具殮

葉公諸梁

后臧從其母於吳不待而歸葉公終不正視

隨母適異國先歸汝忍能致人不正視應是得

人憎

伍尚

楚將殺其父奢慮二子為患曰免其父召之被仁必來尚歸死員奔吳

此以父免召彼如仁必來員乎竟何益尚也最堪哀

賈獲

陳大夫鄭師入陳獲載其母妻奔逢陳侯下而授公車與妻扶母奔亦免

扶母猶可免棄君安所之可能共母載忍不授君綬

周紹

趙王謂曰人有言子者曰父之孝子君之忠臣故寡人欲子之傅王子

孝詩

五讀畫齋正本

欲得忠臣者求之孝子門如何傅王子尚復待

人言

王孫賈

母曰汝朝出晚來則吾倚門望汝今王走汝尚何歸賈募人殺淖齒

為齊臣子者此日若無聞獨有王孫賈能知慰

倚門

扶蘇

趙高詐為書賜扶蘇死蒙恬疑之欲復請扶蘇曰父而賜子死尚安復請

父賜子以死君侯安所疑忍哉指鹿相無復祖

龍知

丁蘭

至孝刻木為母像事之如生蘭婦誤燒木母面應時髮落如割

一靈長皎皎如月不離天要以純誠感非因刻像然

韓伯瑜

母杖不痛哀母力弱對母悲泣梁彥先使焦通觀其像通感悟盡孝

母力今衰矣悲啼得杖輕流風存繪畫猶足感焦生

孝詩

去 讀書齋正本

酈寄

與呂祿善周勃劫其父商使寄給祿出游勃乃得入北軍

直以劫父故蒙他賣友名開將誅呂論非勃亦非平

賈誼

治安策曰借父耰鋤慮有德色母取箕箒立而諄語

諄言取箕箒德色借耰鋤不是賈年少還能痛哭無

馮唐

以孝著為郎中署長文帝輦過問唐曰父老何自為郎

知以孝行著還應不問唐可憐止輦問何自得為郎

韋孟

楚元王傳及王戊淫亂孟去位徙鄒作詩諷諫又曰既去禰祖惟懷惟顧

去王猶諷諫懷祖重傷情誰識有韋孟人惟說穆生

田叔

景帝令案梁事還曰有之無以梁事為問也太后食不甘味此憂在陛下

孝詩

七讀畫齋正本

勿以梁事問將遺太后憂若非叔長者誰為帝忠謀

石建

建為郎中令已老白首每歸洗沐即竊取父奮中帚親自浣滌不令父知

服勞曾是孝那更委諸人建已老白首中帚滌必親

董仲舒

令州郡舉孝廉自仲舒發之後為江都相

漢有孝廉舉誰知發自舒可憐三策罷却去相

江都

司馬遷

父談執手泣曰母忘吾所論著卒三歲遷為太史紬石室金匱之書

悲哉執手泣論著謹母忘豈識遷它日能紬石室藏

嚴君平

賣卜成都市與人子言必依於孝

賣卜有深意何心避市喧若逢人子問依孝與之言

孝詩

大讀畫齋正本

霍去病

縣吏仲孺私生以驃騎擊匈奴過平陽拜仲孺曰不知為大人遺體

不早知此體元來託大人低頭拜縣吏誰擬霍將軍

雋不疑

為京兆尹每錄囚母聞多有平反卽為喜笑故不疑嚴而不殘

不疑固嚴吏如不順親何圖得母喜笑平反敢不多

杜延年

父周爲御史大夫延年居父官府不敢當舊位坐臥皆易其處

怪來御史府坐榻不如初曾是父坐處而爲子
敢居

疏受

廣之兄子廣謂受曰知足不辱豈如父子歸老故鄉乎受曰從大夫議

豈如吾父子歸老故鄉身一聽知足誨欣然從
大人

王陽

爲益州刺史行部至九折阪歎曰奉先人遺體柰何數乘此險遂以病去

孝詩

十九讀書齋正本

禮經稱孝子不服闇登危所以九折阪回車不
敢馳

貢禹

上疏曰諄逆者貴於官故俗皆曰何以孝弟爲今宜貴孝弟則天下自治

安用孝與弟今人諄得官一聞陽在位自是合
彈冠

王式

曰臣以詩朝夕授王至於忠臣孝子之篇未嘗不流涕反復爲王陳誦也

三百五篇內凡言忠孝人未嘗不流涕反復爲

王陳

韋元成

兄弘前坐罪元成當襲封知非父賢意即陽狂後遜為淮陽憲王傅

淮陽誰可傅無以易元成即汝陽狂意為王言事兄

楚孝王

詔曰王孝順仁慈之國以來二十餘年纖芥之過未嘗聞朕甚嘉之

一自王之國于今二十年了無纖芥過都是孝慈然

孝詩

三子讀書齋正本

原涉

廬墓三年大治冢舍表曰南陽阡人謂之原氏阡

所當約於己豈忍險其先道立南陽表人呼原氏阡

薛脩

為臨菑令兄宣為丞相迎母脩畱不遣

邑令直微爾爭如相國榮可憐畱母養不忍聽兄迎

陰子方

至孝臘日晨炊而竈神形見子方再拜受慶因祀以黃羊自是暴富

祀竈令人富相傳陰子方安知由至孝非在薦

黃羊

楊子

不可得而久者父母之謂也是故孝子愛日

不可得而久其惟父母乎諄諄愛日語楊氏豈

欺予

東海王疆

母郭后廢疆戚戚不自安願備藩國贊曰遜而知廢為吳太伯

孝詩

王講畫齋正本

史以太伯比斯評恐未真我知東海意不忍母

他人

鄧禹

事母至孝雲臺功臣之次禹為第一

功臣三十二劍佩藹雲臺第一人知否曾聞孝

母來

竇融

少孤事母孝與隗囂書云為忠甚易

書賜融謂欲三分鼎足宜以時定

璽書來萬里鼎足許三分解道為忠易誰知以

孝聞

馬援

戒子曰欲汝曹聞人過失如聞父母之名耳可得聞口不可得而言也

惡言出於口必至反其聲小子聞人過當如聞

父名

樊宏

父重遺令所假貸民間數百萬悉焚削文契債家聞而慙爭償之宏不受

能損數百萬不聽債家償要自父一語銘心不

敢忘

孝詩

主讀畫齋正本

耿國

國當嗣父封上疏以父況愛少子羈固自陳讓

封侯誰不願顧我獨何心為憶父所愛偏於少

子深

張湛

望縣門步進曰父母之國所宜盡禮或議其詐笑曰人皆詐惡我獨詐善

下車父母國自重豈其輕謂我詐為善何憂被

此名

馮豹

後母屢行毒害敬事愈謹疾之愈深
每奏事伏省閣帝使黃門持被覆之
中人持被覆尚得帝恩深子職竟何是終求慰
母心

孔奮

奉母極求珍膳躬率妻子同甘菜茹
為時人所笑以身處脂膏不能自潤
甘同妻菜茹極奉母珍羞一任時人笑脂膏不
自謀

伏湛

父理為當世名儒別自名學湛性孝
友少傳父業教授數百人
孝詩

三讀書齋正本

向來父學顯別自以家名不是能傳業如何著
孝聲

鄭敬

鄭憚謂曰子將為伊呂乎巢許乎敬
曰幸得奉墳墓雖不從政是亦為政
幾會慕巢許非是薄伊周何忍的去先人有
墓丘

古初

郵憚為長沙太守長沙有孝子古初
憚即以為首舉
長沙有孝子姓字死猶香料得郡舉首他無人

敢當

江革

負母逃難數為盜劫去輒求哀得免
後歸鄉里每自為母挽車時稱巨孝
挽車極勞苦逃賊最間關太息江巨孝能為人
所難

蔡順

拾葚黑者奉母母思順心動棄薪還
伏母棺火越它舍母畏雷震輒園墓
賊疑拾葚異母怪棄薪還雷震輒園冢火飛因
伏棺

孝詩

姜詩

妻汲供母後時遣去遺母珍羞復還
兒溺荅母游學忽泉湧躍鯉供母膳
日常供鯉鱸且輒汲江流兒溺言游學妻還感
遺羞

郭巨

恐母減食與其子欲埋之掘坑得金
一釜上云天賜郭巨孝子官不得取
為養寧埋子那知地有金如何有天賜且復怕
官侵

班固

著幽通賦曰懿前烈之純淑兮容孤
矇之眇眇兮又作敘傳述班氏之先
前烈知純淑孤蹤愧眇矇果能筆敘傳不枉賦
幽通

劉平

負母逃難恐弟絕類抱弟女棄己子
鄧伯道負弟子避賊縛其子於樹上
弟類那容絕吾雛聽自生劉平端為母伯道特

沽名

郭基

為京兆督郵班固薦於東平王蒼謂
基孝行著於州里蒼納之

孝詩

五讀畫齋正本

豈伊東閣裏無似督郵賢直把孝行薦今人少
孟堅

廉范

年十五與客自蜀步負父喪歸京兆
後為蜀守民歌曰平生無襦今五袴

親喪徒步負萬里歷岷峨何事今人說惟知襦
袴歌

鄧彪

少修孝行讓國於異母弟鳳顯宗高
其節許焉又曹子建詩

讓國異母弟如彪正自奇今人有同產煮豆且

燃萁

張歆

歆守臯長有報父仇賊歆破械縱之遂棄官亡命范曄謂其報仇逃亡

去官因脫囚為感戴天讎史氏乃失實却云逃報仇

清河王慶

上書曰乞以臣骸骨下從貴人於樊濯庶母子魂靈有所依倚

乞以臣骸骨下從樊濯原生雖闕親養沒擬報私恩

孝詩

天讀書齋正本

魯恭

性至孝與母及弟不俱居太學習魯詩為諸儒所稱學士爭歸之

可能來太學即得譽諸儒豈以習詩苦應云與母俱

黃香

事父竭力致養暑則扇枕寒則以身煖席京師號曰天下無雙江夏黃童

冬月常溫席炎天每扇牀如何漢天下只有一

黃香

樂恢

父親爲令所收恢年十一俯伏縣門
晝夜號泣令矜之爲出其父

我矜
父今爲令繫號泣不停聲彼令亦人耳而寧不

仲長統

著論曰儻養親有兼珍之膳豈羨夫
入帝王之門以揚名立身哉

羨入帝王門揚名與立身何如養親膳每日得

兼珍

薛包

父娶後妻憎包分出之包號泣廬於
舍外旦入灑掃歲餘父母慙而還之

孝詩

毛讀畫齋正本

所懼子不孝何愁父失慈涕流分出日天定感

還時

張霸

年數歲知孝讓舉動自然合禮人評
其小能如此曰我饒爲之故字伯饒

幼也知孝讓居然合禮儀休疑汝尚小須信我

饒爲

竇章

蓬戶蔬食躬勤孝養講誦不輟時稱
東觀爲蓬萊山鄧康薦章爲校書郎

蔬食可堪貧勤哉孝養親蓬萊知不遠應是著

斯人

蘇不韋

父謙為李嵩掠死不韋掘嵩父冢時
譏其辭枯骨郭太謂優於伍員

要使生者毒休譏枯骨譬看他郭太論比似伍員優

郭林宗

性至孝范滂稱之曰隱不違親貞不
絕俗天子不得臣諸侯不得友

不願諸侯友那容天子臣貞乎寧絕俗隱也不違親

孝詩

天讀書齋正本

蔡邕

性篤孝母嘗滯病三年邕自非寒暑
節變未嘗解襟帶

自非易寒暑未始解衣襟不謂母疾久三年惟一心

楊震

種藍養母諸生有助其種者輒拔去
鄉里稱孝又不受金以畏四知

尚自畏四知於親豈忍欺種藍有助者拔去不妨奇

姜肱

眩與弟俱爲賊所劫將烹之眩曰季江父母所憐請殺己季江復願代兄鼎鑊皆知避何心願代烹恐傷父母意不獨弟兄情

陳元方

事親至孝豫州刺史以聞天子爲之圖像百城以厲風俗

如何百城內一一畫元方勸孝賢刺史觀風職所當

茅容

字季偉郭林宗見其殺雞意謂爲己設既乃獨奉母自以飯蔬與林宗食

孝詩

三九讀書齋正本

雞乃爲母設蔬惟與客同賢哉茅季偉誤矣郭林宗

范滂

遭黨禍恐母流離不忍逃曰滂從父黃泉顧子曰欲汝爲善則我不爲惡

寧將身塞禍不忍母流離我自不爲惡黃泉今有辭

鮑永

事後母至孝妻嘗母前叱狗永卽去其妻

禮經條七出叱狗不言焉一旦鮑妻去那知在

母前

仇覽

為蒲亭長化陳元為孝子民歌曰父母何在在我庭化我鴟梟哺所生

蒲亭一長耳何許得歌聲化我鴟梟類而令哺所生

趙咨

有孝行盜嘗夜劫之咨恐母驚乃先至門迎謝盜慚奔

賊來那可邇而敢以身迎身豈不知愛心乎恐母驚

孝詩

鄭康成

家貧假田播殖以為親養時稱為純儒齊魯間宗之

播殖為親養家貧至假田焉知後學者盡喚作儒先

李曇

養親樂道終身不仕名與徐孺子等海內列名五處士焉

養親還樂道不仕至終身海內稱高士非專鄉里人

徐季登

南州高士徐孺子之子篤行孝悌服闋隱居不仕

南州徐高士姓字滿東都有子篤孝行終喪竟隱居

周燮

有先人草廬結于東岡燮守之曰吾不能追綺季處巢穴屢徵不起

未能追綺季且復守東岡為有先廬在它山忍遁藏

王脩

七歲母以社日亡來歲鄰里社脩感念母哀甚鄉里為之罷社

孝詩

三讀書齋正本

去年今社日撫事倍酸辛罷社為兒泣鄉鄰定可人

徐庶

辭先主曰老母見獲方寸亂矣王陵母曰為語陵母以老妾故持二心

不勝方寸亂豈暇二心持忍矣王陵將賢哉徐庶辭

孟宗

母冬月思筍宗入竹林哀泣筍為之生

萬象死灰色千林號怒聲何人苦哀泣凍竹強

抽萌

顧悌

仕吳為偏將軍每得父書拜跪讀之
每句應諾 又孝子聽於無聲

地遠隔親面惟憑一紙書句終輒應諾直是聽
於無

陸績

六歲見袁術懷橘墮地術曰陸郎作
賓客而懷橘乎曰欲歸遺母術奇之

陸郎作賓客懷橘欲何為遺母當然事袁公乃

爾奇

孝詩

三讀畫齋正本

李密

祖母劉年九十六謂報劉之日短又
言為人子者願為人兄事親之日長

事親苦日短為子願為兄懇懇報劉語令人涕

泗橫

和嶠

王戎居喪飲酒哀毀特甚嶠禮法自
持不能踰戎劉毅謂嶠生孝戎死孝

要以禮法論休言哀毀同但觀生和嶠定勝死

王戎

王裒

讀詩至蓼莪篇輒流涕門人爲廢此篇廬墓悲號淚著柏樹樹爲之枯

悲哉生我句柰此念親何墓側有枯樹詩中無

荀何

晉何曾荀顛俱有孝行傳元稱之曰古稱曾閔今見荀何

古稱有曾閔今復見荀何爲孝一而已能行無甚高

王祥

母冬月欲生魚祥解衣將剖冰雙鯉躍出母命守柰每風雨輒抱樹泣

孝詩

三讀畫齋正本

風柰應難守冬魚未易求剖冰不辭凍抱樹可

勝愁

祖納

性至孝少孤常自炊爨以養母

視膳子之職何須自執炊閑將心比竝合是手成持

丁儀子

陳壽寬子斛米爲儀作傳子不與爾朱文略大遺魏收金請爲父傳

尚自不與米何堪大遺金丁儀爲有子文略是

誣親

范宣

十歲嘗以刀傷手捧手改容人問痛耶曰受全之體而致毀傷不可處耳手直微傷爾如何忽改容不能全所受此痛政無窮

戴逵子

戴顓與兄勃並受琴於父逵父卒不忍奏與兄名造新弄竝行於世

戴琴妙一世二子得其聲不忍遺音奏各將新弄行

孝詩

趙至

兒時從師授業聞父叱牛聲投書泣曰我小未能榮養使老父不免勤苦

莫致兒榮養翻令父苦耕可憐廢書泣不忍叱牛聲

陶侃

每飲酒常歡有餘而限已竭佐吏等勸少進侃曰亡親曾見約故不敢踰

陶公宴參佐限極每歡餘憶與亡親約凄然不敢踰

栢沖

